



Na osnovu člana 23., 56. i 57. Statuta općine Ilijaš ("Službene novine Kantona Sarajevo", broj: 20/09-prečišćeni tekst i 46/18), člana 5. Odluke o stipendiranju učenika i studenata sportista sa područja Općine Ilijaš ("Službene novine Kantona Sarajevo", broj: 49/16) i člana 3., 4. i 5. Pravilnika o stipendiranju učenika i studenata sportista sa područja Općine Ilijaš broj:01/2-40-38/17 od 06.01.2017.godine, broj:01/2-40-38.1/17 od 27.12.2017.godine i broj:01/2-36-2601/20 od 14.12.2020.godine, Načelnik općine Ilijaš raspisuje:

## **K O N K U R S**

za stipendiranje učenika i studenata sportista sa područja Općine Ilijaš za školsku/akademsku 2021/2022.godinu

### **I - OPĆE ODREDBE**

Pravo prijave na konkurs za dodjelu stipendija imaju učenici i studenti koji ostvaruju vrhunske sportske rezultate, koji imaju prebivalište na području Općine Ilijaš, a koji ispunjavaju sljedeće opće uslove:

- da je državljanin BiH;
- da ima prebivalište na području Općine Ilijaš najmanje 3(tri) godine prije objave Konkursa;
- da ima navršenih 7 godina;
- da je takmičar u kontinuitetu najmanje 3 godine i
- da je član kluba koji je prijavljen u matičnom Sportskom savezu Bosne i Hercegovine.

**Stipendija se ne može dodijeliti učeniku/studentu koji prima stipendiju po drugom osnovu.**

Stipendije se dodjeljuju za jednu školsku godinu, a isplaćivat će se za devet mjeseci u iznosu od 80,00 KM mjesečno, iz namjenski obezbijeđenih budžetskih sredstava Općine Ilijaš.

Općina će u toku školske/akademske 2021/2022.godine dodijeliti ukupno 5 (pet) sportskih stipendija za učenike i studente koji postižu vrhunske sportske rezultate na domaćim i međunarodnim takmičenjima.

### **II – KRITERIJ ZA IZBOR KANDIDATA**

Utvrđivanje rang liste kandidata za dodjelu stipendija vrši se na osnovu ostvarenih rezultata u prethodnoj 2021.godini u pojedinačnoj i ekipnoj konkurenciji na državnim prvenstvima i

međunarodnim takmičenjima priznatim od svjetskih i evropskih federacija, a vrednuju se aktuelni rezultati, i to:

- osvojeno 1., 2., i 3. mjesto na Olimpijskim i Paraolimpijskim igrama, Svjetskim prvenstvima i kupovima, Evropskim prvenstvima i kupovima, Evropskim i Mediteranskim igrama, Balkanijadi i međunarodno priznatim sportskim takmičenjima;
- osvojeno 1., 2., i 3. mjesto na međunarodnim sportskim takmičenjima – minimalno osam država iz kalendara takmičenja;
- ostvarena najmanje jedna pobjeda na evropskom, svjetskom i olimpijskom, odnosno paraolimpijskom takmičenju,
- osvojeno 1., 2., i 3. mjesto na državnom prvenstvu.

Vrjednovanje rezultata se vrši tako što se boduje najbolji aktuelni rezultat takmičara. Ukoliko je takmičar postigao više rezultata na jednom takmičenju vrjednuje se samo jedan najbolji rezultat.

Ukoliko dva kandidata imaju isti broj bodova nakon bodovanja najboljeg aktuelnog rezultata, rangiranje se vrši na osnovu drugog postignutog rezultata, sve dok se ne utvrdi razlika u bodovima.

**Takmičarima iz matičnih sportskih saveza koji nemaju jedinstvenu međunarodnu sportsku federaciju broj bodova za plasmane na međunarodnim takmičenjima umanjuje se za 30%.**

**Rezultati u neolimpijskim sportovima vrjednuju se sa 30% bodova manje u odnosu na olimpijske sportove.**

### **III – POTREBNA DOKUMENTACIJA**

Kandidati koji konkurišu dužni su dostaviti sljedeća dokumenta (original ili ovjerene fotokopije)

- prijavu na konkurs sa tačnom adresom, brojem-kontakt telefona i ostalim kraćim podacima ( obrasci prijave na konkurs nalaze se na info-punktu Općine i na web stranici Općine [www.ilijas.ba](http://www.ilijas.ba)),
- izjavu da kandidat ne prima stipendiju po drugom osnovu (Izjava se izdaje i ovjerava u Centru za pružanje usluga građanima- općina Ilijaš),
- potvrda o redovnom školovanju (Izdaje Sekretarijat škole ili Studentska služba fakulteta),
- izvod iz matične knjige rođenih,
- uvjerenje o državljanstvu,
- uvjerenje o kretanju podnosioca molbe ili roditelja – staratelja ukoliko je podnosioc molbe maloljetan, ne starije od 30 dana. Uvjerenje služi kao dokaz prebivališta na području općine Ilijaš (Izdaje Policijska Uprava Ilijaš),
- ovjerenu kopiju takmičarske knjižice,
- potvrdu da je klub takmičara član matičnog sportskog saveza BiH,
- potvrdu matičnog sportskog saveza o postignutim sportskim rezultatima podnosioca prijave u 2021.godini,
- dokaz o ostvarenim rezultatima sa zvaničnih takmičenja priznatih od svjetskih i evropskih federacija u 2021.godini.

#### IV- NAPOMENA

Konkurs ostaje otvoren 15 dana od dana objavljivanja.

Prijava se podnosi obavezno na propisanom obrascu (obrazac se može preuzeti u Centru za pružanje usluga građanima Općine Ilijaš ili na web stranici Općine Ilijaš). Prijava se pričvršćuje na zapečaćenu kovertu u kojoj se nalaze dokazi o ispunjavanju uslova Konkursa. Koverta sa prijavnim obrascem se predaje lično na Protokol općine Ilijaš, ul. "126. Ilijaške brigade" br. 6, sa naznakom: „Prijava za sportske stipendije“- Ne otvarati!

Dokumenti dostavljeni uz prijavu na Konkurs neće se vraćati kandidatima.

**Nepotpune i neblagovremene prijave neće se uzimati u razmatranje.**

Konačna lista kandidata koji su dobili stipendiju bit će objavljena na Oglasnoj ploči i web stranici Općine Ilijaš.

Sve dodatne informacije mogu se dobiti u Službi za društvene djelatnosti i poslove mjesnih zajednica Općine Ilijaš (soba 31 ) ili na tel. broj: 033-580-691.

Broj: 01/2-34-<sup>43</sup>/22  
Ilijaš:06.01.2022.godine



Nadželnik općine Ilijaš

Akif Fazlić, dipl. ecc.

\*\*\*\*\*

Ul. 126. Ilijaške brigade br. 6, 71380 Ilijaš  
Tel. ++387 33 580-620, 580-690, fax. 400-505,  
Transakcijski račun kod VAKUFSKE BANKE, d.d. Sarajovo: 160200000710645  
e-mail [info@ilijas.ba](mailto:info@ilijas.ba)



Broj certifikata: CRO20794Q



Obrazac: DD.12

Podnosioc zahtjeva

Služba za društvene djelatnosti i poslove  
mjesnih zajednica

Prezime (ime oca) i ime kandidata:

Adresa:

Broj fiksnog telefona:

Broj mobitela:

Prijemni pečat

**PREDMET: ZAHTJEV ZA DODJELU STIPENDIJA USPJEŠNIM SPORTISTIMA**

Klub:

Naziv škole/fakulteta:

POTREBNA DOKUMENTACIJA		
Dokument	Institucija koja izdaje dokument	Forma
Dokaz o ostvarenim rezultatima sa zvaničnih takmičenja priznatih od svjetskih i evropskih federacija	Organizator takmičenja	Original ili ovjerena fotokopija
Izjava da kandidat ne prima stipendiju po drugom osnovu	Općina Ilijaš	Original
Izjava o davanju saglasnosti za obradu i objavu ličnih podataka	Općina Ilijaš	Original
Izvod iz matične knjige rođenih	Općina	Original ili ovjerena fotokopija
Ovjerena kopiju takmičarske knjižice	Matični klub	Ovjerena fotokopija
Potvrda da je klub takmičara član matičnog saveza BiH	Matični sportski savez	Original ili ovjerena fotokopija
Potvrda o redovnom školovanju za učenike i studente	Škola/fakultet	Original ili ovjerena fotokopija
Potvrdu matičnog sportskog saveza o postignutim sportskim rezultatima podnosioca prijave u prethodnoj godini	Matični sportski savez	Original ili ovjerena fotokopija
Prijavni obrazac	Općina Ilijaš	Original
Uvjerjenje o državljanstvu	Općine	Original ili ovjerena fotokopija
Uvjerjenje o kretanju podnosioca molbe ili roditelja-staratelja (ukoliko je podnosioc maloljetan)	MUP Ilijaš	Original ili ovjerena fotokopija

**Rok za rješavanje urednog predmeta (sa potpunom dokumentacijom): 60 dana**

**Obavještenje:**

(Datum podnošenja zahtjeva)

(Potpis podnosioca/podnositelja zahtjeva)

*Napomena: Potpisom na obrascu, podnosioc zahtjeva potvrđuje saglasnost da se dokumentacija pribavlja po službenoj dužnosti ukoliko istom raspolaže općinski organ. Obrazac čitko popuniti!*

Obrazac - Izjava o saglasnosti za korištenje podataka	
Ime /ime oca/ i prezime dobitnika stipendije	
Adresa i mjesto stanovanja i telefon	
Naziv škole – fakulteta	
Razred – godina	

## IZJAVA O SAGLASNOSTI ZA KORIŠTENJE PODATAKA

Izjavljujem da sam saglasan/na sa korištenjem i objavljivanjem mojih ličnih podataka od strane Općine Ilijaš i to :

1. Ime /ime jednog roditelja/ prezime,
2. Naziv škole- fakulteta koju/kojeg pohađam,
3. Broj bodova u skladu sa Pravilnikom,

a u svrhu objavljivanja liste učenika i studenata sportista koji su ostvarili pravo na stipendiju Općine Ilijaš za školsku/akademsku 2021/22.

Ilijaš, \_\_\_ januar 2022. godine

Izjavu dao/la:

\_\_\_\_\_  
(ime učenika/studenta, roditelj/staratelj )